

大寶積經

第一百二

八十三
文二

47610



元祿九年丙子二月日重脩

皇圖翠閣 帝齋綴呂

佛日增輝 轉念輪常轉

山城州天安寺法金剛院置



大寶積經卷第一百二

文

隋沙門達摩笈多譯

善住意天子會第三十六之一

緣起品第一

如是我聞一時婆伽婆住王舍城耆闍崛山內與大比丘眾六萬二千人俱皆是具大德具

足神通諸大聲聞而為上首爾時復有四萬

二千菩薩摩訶薩其名曰文殊師利菩薩師

子幢菩薩彌勒菩薩觀世音菩薩大勢至菩

薩大辯聚王菩薩陀羅尼自在王菩薩善文

夫菩薩須彌頂菩薩須彌幢菩薩不可動菩

薩善思義菩薩善思義意菩薩善思惟菩薩



思心菩薩勇意菩薩善思菩薩寶髻菩薩山
相擊王菩薩寶手菩薩寶意菩薩寶印手菩
薩常舉手菩薩常下手菩薩常精進菩薩度
衆生菩薩上精進菩薩如言行菩薩上願菩
薩燈手菩薩心平等菩薩除惡道菩薩除諸
憂暗菩薩不捨重擔菩薩日藏菩薩月藏菩
薩金剛步菩薩無邊步菩薩無量步菩薩不
動行步菩薩虛空藏菩薩勝意菩薩益意菩
薩增上意菩薩成行菩薩持地菩薩月光菩
薩月幢菩薩光德菩薩明照菩薩勇步菩薩
師子奮迅吼音菩薩無礙辯菩薩相應辯菩
薩捷疾辯菩薩最勝菩薩翳日月光菩薩無

攀緣菩薩無著意菩薩常笑菩薩喜根菩薩
除諸障蓋菩薩轉女身菩薩摩尸珠菩薩燈
明菩薩毗盧遮那菩薩火焰菩薩衆勝王菩
薩深說者菩薩如是等菩薩摩訶薩而為上
首爾時復有四天大王忉利天王娑婆世界
主大梵天王如是等而為上首與六萬諸天
衆俱復有善住意天子善德天子大自在天
子如是等而為上首與三萬諸天衆俱於菩
薩道皆已久住復有二萬阿脩羅王羅睺阿
脩羅王須彌阿脩羅王如是等而為上首亦
皆已住於菩薩道復有六萬諸大龍王阿那
婆達多龍王勝月龍王如是等而為上首亦

皆已住於菩薩道并餘無量諸天龍夜叉
閻婆阿脩羅迦樓羅緊那羅摩睺羅伽億百
千衆乃至一切比丘比丘尼優婆塞優婆夷
無量天衆皆來集會爾時世尊以如是等無
量百千大衆圍遶於說法時文殊師利菩薩
摩訶薩即於已室入彼無諍除心三昧寂然
不動於是文殊師利一心安詳從三昧起應
時十方無量無邊諸佛世界六種震動時文
殊師利起三昧已作如是念彼無量無邊諸
世界中乃有一佛如來應供正遍覺出興於
世如優曇曇花希復現耳如是諸如來應供正
遍覺世間希有出現甚難所可說法盡諸有

生寂滅涅槃不可思量無有分別甚深無譬
難解難知然以諸佛不出世故不可得聞以
不聞故諸衆生苦難可窮盡我今應當詣於
如來正遍覺所諮問是義問斯義故今諸衆
生成就善根亦令一切行菩薩者於彼甚深
不可思議諸佛法中無復疑惑皆得成滿佛
菩提事然此娑婆世界諸衆生等多有貪欲
具足瞋恚成就愚癡斷除白法頑鈍誑詐無
有慙愧我慢貢高遠離諸佛違背法僧令彼
衆生得聞如是甚深妙法獲淨智眼今時文
殊師利復作是念我今應當大集十方諸菩
薩衆今皆得聞如來所說是妙法門證深法

忍爾時文殊師利如是念已即入普光無垢
莊嚴三昧入此三昧已放大光明照於東方
如恒河沙等諸佛世界普皆柔和潤澤清淨
明朗無垢微妙難稱而此光明遍照南西北
方四維上下十方世界其間所有一切暗冥
幽隱之處山崖樹林大小諸山目真隣陀山
摩訶目真隣陀山鐵圍山大鐵圍山及餘黑
山須彌山大須彌山如是一切光明朗徹無
有障礙尔時十方恒河沙世界所有諸佛現
說法者彼諸弟子各請其佛言世尊何因緣
故乃有如是大瑞光明現於世間世尊我從
昔來初未聞見如是光明如是清淨如是微

妙世尊此何光明而今我等大喜遍身心得
清淨亦令衆生無復貪欲瞋恚愚癡煩惱衆
惡一切不行出尊今此光明誰之所作誰所
加持而來現此彼諸侍者如是請已彼諸世
尊默然無報當爾之時十方世界一切所有
諸種音聲所謂若天聲若龍聲若夜叉聲若
乳闍婆聲若阿脩羅聲若迦樓羅聲若緊那
羅聲若摩睺羅伽聲若人聲若非人聲若象
馬聲若諸獸聲如是等聲咸皆止息若風聲
若火聲若水聲若大海波聲若音樂聲若歌
讚聲當尔之時如是諸聲以佛力故亦皆止
息一切寂然時彼十方諸佛侍者復請彼佛

言世尊唯願大慈憐愍一切諸天人故安樂
一切諸天人故利益一切諸天人故為我宣
說如是光明所從來處而能普照諸佛國土
爾時十方諸佛即以十方恒河沙數世界所
有一切諸如來聲悉同梵音如一如來口業
所說其所說事亦無差殊用是妙聲各皆報
告已之侍者當彼諸佛出聲告時一切佛刹
悉皆震動百千樂音一時皆作乃至一切天
人阿脩羅所有音樂不鼓自鳴又彼樂音衆
聲之中出諸法音所謂無常聲苦聲無我聲
空聲無相聲無願聲離欲聲解脫聲法界聲
如如聲實際聲檀波羅蜜聲尸波羅蜜聲羼

提波羅蜜聲毗梨耶波羅蜜聲禪波羅蜜聲
般若波羅蜜聲大慈聲大悲聲大喜聲大捨
聲和合聲利益聲出如是等種種百千諸法
之聲又彼種種諸聲出時無量阿僧祇億那
由他百千衆生皆得住於不退轉阿耨多羅
三藐三菩提復有成就辟支佛者成聲聞者
乃至得成大梵天王天帝釋轉輪王等爾時
十方諸佛出世尊咸各告其侍者弟子言諸善
男子汝今不應請問是事何以故此光明因
緣一切聲聞辟支佛等非其境界我若說者
乃至世間天人阿脩羅皆即迷沒是故不應
請問斯事諸佛如來若說如是究明因緣乃

是能生成就不可思議諸勝善根亦緣如是
不思議諸勝善根而得出生所謂布施持戒
忍辱精進禪定智慧諸度等行如是諸行即
是光明之所出生亦為究明之所成就是故
我等諸佛如來若於一劫若減一劫讚說如
是光明功德終不能盡又以如是慈悲喜捨
諸善根力共相薰脩令此光明能生歡喜時
彼十方諸佛侍者各自殷勤再三啓請白言
唯願世尊憐愍一切諸天人故安樂一切諸
天人故利益一切諸天人故成熟菩薩諸善
根故為我等說究明因緣彼諸菩薩如是請
已於是十方諸佛世尊復各告其侍者弟子

言諸善男子汝宜諦聽吾為汝說諸侍者言
唯然世尊願樂聽聞爾時彼佛各各告其侍
者言善男子有世界名曰娑婆其土有佛号
釋迦牟尼如來應供正遍覺明行足善逝世
間解無上士調御丈夫天人師佛世尊出五
濁世彼土衆生多有貪欲瞋恚愚癡衆惱所
迫彼諸衆生無有恭敬不識慙恥都無羞愧
所為行業多諸不善能於如是濁惡世中成
就阿耨多羅三藐三菩提然今現在處衆說
法善男子彼世界中釋迦如來有一大弟子
菩薩摩訶薩名文殊師利有大功德具足智
慧精進勇猛有大威神能令菩薩咸得歡喜

故能令菩薩具足修行故今諸菩薩增長威
力故今諸菩薩發勤勇猛故能善分別一切
法句故能達無礙智慧彼岸故能具足得無
礙辯才故又於諸陀羅尼得自在故已具成
滿一切菩薩不思議功德故今彼菩薩將欲
請問釋迦牟尼如來應供正遍覺甚深法門
為諸菩薩善根成就故為行菩薩乘入得滿
足彼不思議諸佛法故善男子又彼文殊師
利放斯光明欲令十方世界無量阿僧祇諸
菩薩眾大集故令彼諸菩薩得勝法故以是
因緣彼文殊師利放大光明照諸佛土爾時
十方世界諸佛侍者復各請問彼諸佛言世

尊彼文殊師利住何三昧放此光明爾時十
方諸佛咸各告其侍者弟子言諸善男子彼
文殊師利入普鬪無垢莊嚴三昧故放斯光
明侍者菩薩復白諸佛言世尊我初未見如
是光明如是清淨如是能令身心歡喜諸佛
復告諸菩薩曰彼將不欲教諸菩薩起修行
耶彼將不欲大集諸菩薩衆耶彼將不欲集
諸菩薩宣說如斯妙經典耶爾時十方無量
不可思議恒河沙等諸佛世界一一世界中
有無量阿僧祇諸菩薩衆各自詣彼諸世尊
所頂禮佛足禮已即復請白彼諸佛言世尊
誰有是光誰有斯德我等皆來未曾見聞忽

現是光照諸世界時彼諸佛復告彼諸菩薩
衆曰諸善男子彼有世界名曰娑婆其佛号
釋迦牟尼如來應供正遍覺今現說法彼有
菩薩名文殊師利具大威德其為大集一切
菩薩摩訶薩衆故放斯光明時彼諸菩薩復
白彼諸佛言世尊我等今者願詣娑婆世界
意欲奉見釋迦如來禮拜恭敬故供養承事
故請問義理故并欲見彼文殊師利及餘菩
薩摩訶薩故彼諸世尊即便告彼諸菩薩言
諸善男子欲往隨意汝應知時爾時十方無
量阿僧祇不思議不可計不可稱不可量億
那由他百千頻婆羅菩薩摩訶薩各禮佛足

已猶如壯士屈申辭頌各於彼世界沒而來
現此娑婆國土是時十方諸來菩薩摩訶薩
衆皆詣世尊釋迦如來應供正遍覺所其間
或有能雨衆香所謂塗香末香及以香鬘來
詣世尊釋迦如來應供正遍覺所或有菩薩
雨諸妙花所謂曼鉢羅花鉢頭摩花拘物頭
花分陁利花瞻波迦花波吒利花陁奴迦利
花阿他目多迦花蘇摩那花婆利師迦花曼
陀羅花摩訶曼陁羅花波盧沙花摩訶波盧
沙花旗陀羅花摩訶旃陁羅花微妙旃陀羅
花斫迦羅花摩訶斫迦羅花最妙斫迦羅花
雨如是等種種花鬘來詣世尊釋迦如來應

供正遍覺所或有菩薩摩訶薩能出百千上
妙諸音來詣世尊釋迦如來應供正遍覺所
復有菩薩摩訶薩能以一音遍滿三千大千
世界歌讚佛德來詣世尊釋迦如來應供正
遍覺所以如是等種種莊嚴咸詣世尊釋迦
如來應供正遍覺所時彼十方諸來菩薩摩
訶薩衆大集於此娑婆世界而此三千大千
世界所有衆生地獄畜生餓鬼若閻魔界悉
皆寂然身心安樂無有貪欲瞋恚愚癡遠離
衆毒嫉妬諂誑我慢熱惱一切衆生皆起慈
心具足歡喜何以故以彼十方諸大菩薩威
神力故其事若是爾時十方無量百千億那

由他諸大菩薩摩訶薩等咸集世尊釋迦如
來應供正遍覺所到佛所已頭面禮敬右遶
三帀住於虛空即入菩薩隱身三昧入三昧
已隨意所生無量百千種種妙色大蓮花座
結加而坐悉皆隱身今不復現爾時尊者摩
訶迦葉見彼殊特希有瑞相大神通事復見
彼衆大雨花香亦見彼作無量樂音又復見
彼放大光明又亦見此三千世界諸四天下
皆雨妙花積至于膝又復見彼一切大衆天
龍夜叉輒闍婆阿脩羅迦樓羅緊那羅摩睺
羅伽人及非人乃至所有比丘比丘尼優婆
塞優婆塞等一切皆悉具足成就金色相身

於是尊者摩訶迦葉從座而起正持威儀偏袒右肩右膝著地合掌恭敬以偈讚曰

歡喜常與一切樂

圓滿無垢清淨顏

十力雄猛諸大人

具足金剛百福相

遊於三界人天間

一切無能如佛者

不可思議難測度

唯願除斷我疑心

過那由他百千劫

常行布施攝世間

遠離執著無所依

淨持禁戒無倫比

具足修忍超世間

一切力中十力最

功德備滿無過者

唯願永絕我疑心

過百千劫修衆行

以見衆生受諸苦

勇猛精進終無疲

常生歡喜無有量

頭目髓腦持與人
獸離國城及眾具
世尊往舍行施時
過那由他上衣服
世尊常以先心施
飲食湯藥并田宅
往管割身及耳鼻
若他詰問如法言
以能通達深空法
能施他樂功德人
諸漏久盡患悉除
黑暗所覆愚癡者

棄捨男女及妻妾
唯願除解我疑網
象馬輦輿不可數
常以歡喜惠世間
如是雜物及眾环
是故今日我諮問
內心無垢不生瞋
猶能巧說忍辱力
心意微妙難稱量
是故今我問無垢
深見眾生沒諸苦
生於垢濁及我人

憐愍諸有起慈心

開發正覺菩提岸

善能出入神通門

證得無我破我相

佛於世中無染著

微妙寂滅離諸垢

世尊昔日修行時

禪定智慧亦常修

諸功德聚難思量

善能往來亦善住

往皆無垢修大慈

剎身割股血滂流

過百千劫勤修行

唯願除斷我今疑

隱顯自在巧行住

毀壞諸法亦非空

真實正行及正思

唯願為我決此疑

施戒忍進無暫廢

利益群生無有比

深大如海無窮盡

唯願為我作歸依

怖鴿歸投救不捨

稱肉與鷹而代之

全身上稱謂敵彼

大明善巧以行慈

須彌動搖衆星落

四大海水一朝枯

假使日輪墜於地

諸佛正覺兩足尊

而鵠尚重身猶輕

唯願爲我決疑惑

諸天宮殿盡破亡

阿脩羅宮處天上

明月處空忽闇冥

所言真誠無有二

爾時尊者摩訶迦葉說偈讚已復白佛言大

德世尊何因緣故世間有是微妙光明復何

因緣忽現如是未曾有瑞衆相明了爾時世

尊告大迦葉言迦葉汝今不應諮問是事何

以故如是境界非諸聲聞緣覺所知若我說

是光明義者一切世間天人阿脩羅皆當驚

疑入迷沒處是故汝今不應問也時大迦葉
復白佛言世尊唯願大慈憐愍一切諸天人
故利益一切諸天人故安樂一切諸天人故
說此光明甚深因緣令我開解爾時世尊告
迦葉言汝宜諦聽善思念之吾為汝說大迦
葉言善哉世尊願樂欲聞唯垂敷演時佛復
告大迦葉言迦葉今我文殊師利入彼普明
無垢莊嚴三昧三昧力故放斯光明遍照十
方過恒沙等諸佛國土為大集彼無量無邊
不可數不可量阿僧祇諸大菩薩摩訶薩等
而來至此娑婆世界彼等皆已頂禮我足右
遶三帀處在空虛高一多羅樹皆各於彼大

蓮花座結加而坐爾時尊者大迦葉復白佛
言世尊今有何等菩薩摩訶薩威神德力而
雨如是微妙花香復出如是百千音樂不鼓
自鳴佛告大迦葉言迦葉是為十方諸菩薩
等威神力故而雨如是勝妙花香乃至於上
虛空之中無量樂音皆自鳴也迦葉復言世
尊我於是中乃至不見彼一菩薩云何世尊
更言十方諸菩薩等迦葉一切聲聞辟支佛
等終不能見彼諸菩薩摩訶薩衆何以故迦
葉是中聲聞辟支佛等於大慈悲非其所住
故若能住是慈悲地中斯則能為利益他事
則亦能行布施持戒忍辱精進禪定智慧諸

波羅蜜等若已受正位終不能行此諸菩薩
所行之處迦葉斯諸菩薩摩訶薩等一切皆
入隱身三昧是故一切聲聞辟支佛不能見
彼諸菩薩等唯除諸佛及大菩薩住斯地者
乃能見耳迦葉初住大乘諸菩薩等尚不能
見何況一切聲聞辟支佛而能得見若得見
者無有是處爾時大迦葉復白佛言世尊菩
薩摩訶薩具足幾法修何善根獲何功德而
能入是隱身三昧佛言迦葉菩薩摩訶薩成
就十法即能獲是隱身三昧何等為十一者
志性和柔深住正信二者恒不捨離一切眾
生三者畢竟成滿大慈悲心四者覺了一切

不著衆相五者雖復思求一切佛法終不妄
取六者亦不思想一切聲聞辟支佛智七者
世間所有盡皆能捨乃至身命尚無恡惜豈
況餘物而不施者八者雖行無量生死煩惱
而不染著諸有爲行九者常修無量布施持
戒忍辱精進禪定智慧而不分別諸波羅蜜
十者常生是心我當安立一切衆生於菩提
已然後方當坐佛樹下不取菩提及衆生相
迦葉是爲菩薩摩訶薩具足十法便能獲得
隱身三昧爾時尊者大迦葉復白佛言希有
世尊快說斯事世尊乃能作如是說世尊一
切聲聞辟支佛尚皆未曾一發是心我當安

置一切衆生於阿羅漢地況佛法乎佛言迦
葉如是如是是故一切聲聞辟支佛悉無能
入菩薩所行隱身三昧此三昧名尚自不知
云何能入若能入者無有是處爾時尊者大
迦葉復白佛言世尊我等今者深願見彼諸
大菩薩摩訶薩等所以者何斯諸大士難可
會遇佛言迦葉汝宜且住當須待我文殊來
者彼諸菩薩當從定出汝等然後乃見之耳
雖然迦葉汝亦得是無量百千諸三昧門今
當攝心求彼菩薩摩訶薩等爲在何處住何
威儀作何事業時大迦葉蒙聖教已承佛威
神及已通力即入二萬諸三昧門如是思求

彼諸菩薩今在何所住何威儀為行步耶而
竟不見為住立耶而亦不見為倚卧耶而亦
不見為端坐耶而亦不見乃至不知以何語
言作何事業來何所從去何所至於是起定
前白佛言甚竒世尊甚竒世尊我已經歷二
萬定門求諸菩薩竟無所見世尊彼諸菩薩
摩訶薩等尚未證知薩婆若處得如是微
妙三昧何況當證無上菩提世尊諸善男子
善女人其有見聞如斯神變而不疾發阿耨
多羅三藐三菩提心者無有是處世尊能得
如是隱身三昧菩薩摩訶薩為欲度彼一切
衆生被精進鎧然終不得離是妙定佛告迦

葉如是如是如汝所說是中一切聲聞辟支
佛尚非境界況餘衆生爾時尊者舍利弗作
如是念世尊稱我聲聞人中智慧第一我今
寧可求諸菩薩今在何所任何威儀作何事
業若得覩見不亦善乎時舍利弗如是念已
承佛威神及自力故即入三萬諸三昧門周
旋觀察彼諸菩薩今爲何所任何威儀乃至
不知如毫釐相尔時尊者須菩提作如是念
我今亦當求諸菩薩爲何所在任何威儀造
作何事若都見者不亦善乎時須菩提作是
念已承佛威神乃自力故即入四萬諸三昧
門周遍推求彼諸菩薩爲何所在任何威儀

乃至不見行住坐卧從何所來去何所至然
後出定前至佛所頭面禪足白言世尊世尊
記我聲聞人中無諍三昧最爲第一是三昧
門我亦已得如是世尊我若入定正使有人
具大神力能以百億四天下爲一大人住在我
彌山爲一大椎於我定時令一大人住在我
前執彼大椎搥擊大鼓無暫休廢乃至經劫
如是鼓聲尚不入耳何況亂心能令我出若
彼鼓聲能爲定患牽我起者永無是處世尊
我今所得無諍三昧弘普若是我向經歷四
萬三昧周遍推求彼諸菩薩終不能見乃至
不覩一人暫時往來之相如是世尊有諸菩

薩摩訶薩比軍念求如是不思議智爲一一衆
生於恒河沙劫生地獄中備受衆苦世尊衆生
彼來菩薩道故雖經衆苦而不捨離如是甚深
不思議智如是世尊若我今日漏心未盡未
得解脫於諸佛法有所未知者令我當來
常在生死更不捨離彼不思議大妙乘也
於是世尊讚頌須菩提言善哉善哉如汝言
汝以信故作如斯說令汝此身不取涅槃者
以斯善根於當來世過恒沙劫汝當得作轉
輪聖正正法治世然後乃成阿耨多羅三藐
三菩提又須菩提今此三千大千世界衆生
數類寧爲多不須菩提言甚多世尊甚多世

尊佛言如是如是須菩提是諸世界所有衆
生成就智慧如舍利弗解空第一如須菩提
苦行超倫如大迦葉即令如是諸大聲聞共
盡知見求彼菩薩若於一劫若於百劫若於
千劫乃至無量恒河沙劫亦不能見若能見
者無有是處何以故須菩提彼諸菩薩凡所
爲作非是一切聲聞辟支佛所行境界是故
二乘終不能見說此法時是衆會中八萬四
千天人皆發阿耨多羅三藐三菩提心三千
世界六種震動今時文殊師利於已住室如
是思惟今此十方億百千數諸大菩薩皆已
集會吾當復召諸天大衆咸令雲集如是可

平時文殊師利既思惟已即以神力如意化
成八萬四千億那由他妙寶蓮花大如車輪
純金爲莖白銀爲葉勝藏羅網毗琉璃寶是
諸華中皆有化佛及諸菩薩結跏趺坐蓮華
臺上身此紫金色二十二相八十種好威德巍
巍光明普照時彼蓮華上昇四天王天三十
三天夜摩天兜率天化樂天他化自在天及
諸梵天乃至至有頂如是略說遍此三千大千
世界乃至百億須彌百億四天下欲界天宮
色界天宮彼化蓮華無不遍至是諸化佛及
菩薩衆出大音聲遍告三千大千世界而說
偈言

世尊明慧日

希有出世間

譬彼優曇華

難遇復過是

釋師子人雄

今者現於世

班宜深妙法

永拔衆苦源

諸天雖快樂

誰能保長久

任業還三塗

復受衆苦毒

所習諸欲事

貪愛獨增長

三界本無樂

而愚航箸之

已獲最上難

所謂諸佛出

愚癡放逸人

焉覺苦不斷

汝等當速求

見佛聞正法

若聖涅槃已

雖悔難可追

魔網深可怖

汝等為放逸

既被羈羅已

寧有解脫期

獨有求佛法

汝為衆生資

汝等但速求

三十二妙相

佛能救世間

餘無可依者

世雄甚希有

大慈難思量

無量億數劫

成就釋師子

何處有衆生

斷已自無餘

宣明真實際

無願亦無作

無來亦無去

本淨無所有

衆生本無生

衆生在何處

亦不可文字

不見風水火

所行不可量

闡揚微妙法

及我人壽命

放捨一切相

世間絕心行

虛空本無形

智者之所說

無相貌可見

云何得言死

言音爲說法

世尊如斯說

地亦無分別

集功德智慧

甚深難覺知

如是破常見

爲衆生說此

唯彼空無相

不起亦不滅

無盡無所生

無思想能說

寂滅無衆生

法不住言音

諸處遍推求

慧眼之所宣

色受及與想

行識同虛空

假言彼五陰

其實並無精聚

眼耳鼻舌身

心意等諸根

雖說本性空

空亦不可得

色聲香味觸

及以種種法

斯由分別生

分別體空寂

欲界與色界

及彼無色天

皆說如幻化

虛偽不真實

如是諸世尊

為衆生說法

欲求出衆苦

速歸大導師

彼諸化佛說此偈時於是三千大千世界咸

得聞之有九十六億欲色諸天遠塵離垢得

法眼淨二萬天子厭離衆欲三萬二千天子

皆發阿耨多羅三藐三菩提心一萬行菩薩

乘諸天子得無生法忍尔時彼化如來所可

勸召無量無邊阿僧祇億那由他百千諸天
大衆於須臾間悉皆雲集釋迦如來應供正
遍覺所稽首足下右遶三匝退住一面以天
花香所謂優鉢羅花鉢頭摩花拘物頭花分
陀利花曼陀羅花摩訶曼陀羅花及諸花鬘
末香塗香奉散世尊及餘供養復以種種天

妙樂音歌誅繡讚滿彼虛空時大集與其數
甚多難可緬計周遍者充滿此四天下無有空
地如一杖頭而不遍者是諸天人具大威德

所散諸華滿四天下積至于膝

大寶積經卷第一百二

及其業奮迅上方問反捷疾上才翳反計家

寂頑鈍反上 愚閑反不利也 困 山崖下佳反 將野作

羸提又上昌 鷹反 頌頌領反 髮莫班反 測度上昌反

下徒髓腦上息季反 輦輦上力展反 步挽車

各反 亦作輿 誥問上超一反 剡烏官反 股音古

也 滂流上善 稱肉上作 全全字 悵惜上反 隆波

之反十 毫日 椎直追反 擗竹瓜反 就下合也

羈羅上居宜 闡揚上昌



